

近
光
集

近

光

集

近光集卷二十四 五言絕句

長洲汪士鋐 文升編纂

山陰蔡學濂 希周叅注

新月

盧仝

仙宮雲箔卷露出玉簾鉤清光無所贈相憶鳳凰樓

玉簾鉤

鮑照詩纖纖如玉鉤

鳳凰樓

徐陵雜曲爲誰新起鳳凰樓三輔黃圖楊

震關輔古語云長安民俗謂鳳凰樓爲貞女樓

風

李嵩

卷之二十四
解落三秋葉能開二月花過江千尺浪入竹萬竿
斜

雪花

虞仲文

瓊英與玉蘂片片落前池問著花來處東君也不
知

雪

傅察

春雷忽隱隱春雪復紛紛農夫戒及澤荷鍾已成
雲

荷鍾

西都賦決渠降
雨荷鍾成雲

三月三日雪

王叔舟

柳絮飛還早梅花落太遲天顏多喜色瑞氣滿瑤池

柳絮

晉書謝太傅兄女云未若柳絮因風起

瑤池

沈約雪詩玉山聊可望瑤池豈

難卽

雲日

李漑學士湖上諸亭作

虞集

金沙灘上行潭底見行雲祇有琴高鯉時時或作群

琴高鯉

列仙傳琴高以鼓琴爲宋康王舍人行涓彭之術後辭入涿水中取龍子與諸

弟子期齋於水旁設祠屋果乘
赤鯉來出祠中畱一月復入水

雨後

高汝礪

時雨雨三日田家家萬金有年天子慶憂國老臣

心

三日

爾雅雨三日
以上曰霖

春情

張起

畫閣餘寒在新年舊燕歸梅花猶帶雪未得試春

衣

春衣

庾信宜春賦披
香殿裏作春衣

春遊曲

令狐楚

闐闐春風起蓬萊雪水消相將折楊柳爭取最長
條

闐闐

張衡西京賦表
曉闕於闐闐

長條

庾信楊柳歌河邊楊
柳百丈枝別有長條

跪地
垂

奉和正旦賜宰臣柏葉應制 武平一

綠葉迎春綠寒枝歷歲寒願持一作將柏葉壽長奉

萬年歡

柏葉

風土記元日長幼悉正衣冠以次
拜賀進椒酒飲桃湯及柏葉酒

立春帖子

王曾

北陸凝陰盡千門淑氣新年年金殿裏寶字帖宜

春

千門

西都賦張千門而立萬戶順陰陽以開闔

春帖子詞

歐陽修

藹藹珠簾日溶溶碧瓦煙漪漣采荇水和暖浴蠶

天

皇后閣

珠簾

西京雜記昭陽殿織珠爲簾風至則鳴如金玉珠璣

浴蠶

庾信銘桑津浴蠶玉

海周禮馬質注蠶書蠶爲龍精月直大火則浴其種

春帖子詞

司馬光

鸞路迎長日農祥正曉天九垓同燠沐萬物向蕃

鮮皇帝閣

農祥

禮二月之節注春事興故祈農祥

九垓

廣雅九天之外次曰九垓

春帖子詞

周必大

日向皇都永冰從太液融八荒開壽域萬國轉春

風皇帝閣

太液

三秦記漢有太液池中築方丈瀛洲象海中神山

壽域

漢王吉傳疏曰毆一

世之民躋之仁壽之域

綵勝年年巧椒盤歲歲新君王千萬壽長與物華春

綵勝

典戒人日造花勝相遺象瑞圖金勝之形歲時記造花勝起於晉賈充漢書注勝婦

人首飾也漢代謂之華勝

椒盤

爾雅翼過臘一日謂之小歲進椒酒後世率以正月一日

以盤進椒號椒盤

貴妃閣

李清

金環半后禮鉤弋比昭陽春生百子帳喜入萬年

觴

金環

西京雜記戚夫人以百煉金爲彊環照見指上骨

鉤弋

黃圖鉤弋宮在城外

〔漢武故事〕宮在直門南〔括地志〕鉤昭陽〔漢外戚傳〕趙皇

弋宮在長安城中門名堯母門也
后弟居昭陽舍
〔百子帳〕〔酉陽雜俎〕唐人婚禮多用百子帳

春日池臺

元萬頃

日影飛花殿風紋積翠池
鳳樓通夜徹虬輦望春移

次韻曾守立春席上

沈與求

曉凍穿流急晨光照火新
四郊和氣合歌吹待班春

班春

〔後漢〕崔駰傳班春〔注〕班布春令也

曲席紛羅綺中腔度管絲歡聲連萬井一一擁春旂

曲席

史記戎王使由余於秦繆公與由余曲席而坐傳器而食

春旂

庾信馬射賦落

花與芝蓋同飛楊柳共春旂一色

上巳日

孫永

海內中和日雲間上巳辰笙歌九天半花木十洲春

中和

漢兒寬傳惟天子建中和之極

十洲

十洲記漢武帝聞王母說巨海之中有十

洲乃人跡稀絕處東方朔作十洲記見八卷

辛亥寒食

元好問

寒食年年好今年迴不同鞦韆與花影併在月明中

鞦韆

荆楚歲時記春節懸長繩於高木士女坐立其上共推引之以爲戲名曰鞦韆古今

藝術圖

北方山戎寒食用

鞦韆爲戲以習輕矯者

清明日

張治道

草沒尙書履花迷御史驄長安佳麗處偏在曲江東

尙書履

後漢王喬傳喬爲葉令有神術臨至有雙鳬飛來舉網張之得一鳬則所賜尙

書官屬 御史驄 後漢書桓典為侍御史常乘驄馬 曲江 司馬相如賦臨

曲江之 隍洲

夏日南園

邵應

夏木無重數森陰翠樾低相呼百禽語大半是黃

鸝

夏木

傳玄述夏賦四月維夏運臻正陽鹿角解於中野草木蔚其條長王維詩嚶嚶夏木

鸝黃

端午帖子

章棻

清曉會披香朱絲續命長一絲增一歲萬縷獻君

王

萬縷

風土記續命縷事

端午帖子詞

歐陽修

舜舞來遐俗堯仁浹九區五兵消以德何用赤靈

符

皇帝閣

端午

風土記仲夏五日日端午端初也俗重之與夏至同

赤靈符

抱朴子或問辟

五兵之道答以五月五日作赤靈符著於心前

繭館覆柔條新絲引更長紉爲五色縷續壽獻君

王

皇后閣

蘭館

漢元后傳太后幸蘭館率皇后列侯夫人桑師古曰上林苑有蘭觀蓋蠶繭之所也

端午帖子詞

蘇轍

南訛初應歷五日未生陰靈藥收農錄薰風拂舜

琴

南訛

書堯典平秩南訛注訛化也南方化育之事也

靈藥

夏小正此日蓄採衆藥以

蠲除

農錄

六典注凡藥八百五十種三百六十神農本草經一百八十二名醫別錄一

百十四新修新附一百九十四有名無用玉海梁七錄神農本草三卷

九日進茱萸

張說

家居洛城下舉目見嵩山刻作茱萸節情生造化

間

嵩山

名山志嵩高山五嶽之中嶽也

茱萸節

風土記九月九日折茱萸房以挿頭

九月重陽數三秋萬寶成時來謁軒后罷去坐蓬瀛

陽數

魏文帝與鍾繇書歲往月來忽復九月九日九爲陽數而日月並應俗嘉其名以爲

宜於長久故以宴享高會

軒后

史記黃帝號軒轅氏

和李舍人冬至日

姚令

獻壽人皆慶南山復此堂從今千萬日此日又初長